

ꦗꦲꦲꦠꦺꦏ꧀ꦢꦩꦠꦺꦏ꧀ꦢꦩꦠꦺꦏ꧀
ꦢꦩꦠꦺꦏ꧀ꦢꦩꦠꦺꦏ꧀ꦢꦩꦠꦺꦏ꧀



JHÂ' METTHÈK DÂRI WIKIPÈDIA!

Pandhuman kènḍâ' ka'angghuy sampèyan sè
addhreng ḍâ' ka lombhung pangataowan
sè palèng rajâ è dhunnya maya



Raymond Sutanto
Nur Rahmi Nailah

Wikimedia Indonesia

JHÂ' METTHÈK DÂRI WIKIPÈDIA!

ꦗꦲꦲꦲꦩꦠꦠꦲꦏꦢꦂꦶꦮꦶꦏꦶꦥꦺꦢꦶꦲ

Pandhuman kènḍâ' ka'angghuy sampèyan
sè addhreng ḍâ' ka lombhung pangataowan
sè palèng rajâ è dhunnya maya

ꦥꦤ꧀ꦢꦸꦩꦲꦩꦏꦺꦤ꧀ꦢꦲꦲꦏꦲꦁꦒꦲꦸꦪꦱꦩꦥꦺꦪꦲꦩꦠꦠꦲꦏꦢꦂꦶꦮꦶꦏꦶꦥꦺꦢꦶꦲ
ꦱꦺꦠꦠꦺꦩꦲꦫꦺꦁꦢꦂꦲꦏꦲꦭꦩꦧꦲꦁꦥꦁꦠꦂꦲꦠꦺꦴꦮꦤꦶꦪꦱꦺꦥꦭꦺꦁꦫꦗꦲꦺꦝꦸꦤꦶꦪꦩꦪ

Raymond Sutanto
Nur Rahmi Nailah

Wikimedia Indonesia

Bhul-Ombhul:

JHÂ' METTHÈK DÂRI WIKIPÈDIA!

Pandhuman kèndâ' ka'angghuy sampèyan sè addhregng dâ' ka lombhung pangataowan sè palèng rajâ è dhunnya maya.

ISBN:

978-623-88155-2-4 (PDF)

Pangeccapan:

Perkumpulan Wikimedia Indonesia
TCC Batavia Tower One, Lt. 6. Jalan
K.H. Mas Mansyur No. 126, Karet
Tengsin, Tanah Abang, Jakarta
Pusat, DKI Jakarta 10220
sorat-èl: info@wikimedia.or.id

Sè Nolès:

Raymond Sutanto
Nur Rahmi Nailah

Jhuru Perta:

Afrizal Maulana Abdi

Pamarèksa:

Alfiyah Rizzy Afdiquni

Panata Rontot:

Adien Gunarta
Dwi Satria Utama

Distributor:

Perkumpulan Wikimedia Indonesia
TCC Batavia Tower One, Lt. 6. Jalan
K.H. Mas Mansyur No. 126, Karet
Tengsin, Tanah Abang, Jakarta
Pusat, DKI Jakarta 10220
sorat-èl: info@wikimedia.or.id

**Lisènsi:**


Bhul-ombhul buku rèya “JHÂ' METTHÈK DÂRI WIKIPÈDIA! Pandhuman kèndâ' ghâbây sampèyan sè addhregng dâ' ka lombhung pangataowan sè palèng rajâ è dhunnya maya”

Èyangghit bi' Raymond Sutanto bân Nur Rahmi Nailah, Wikimèdia Indonesia.

Sampèyan ollè maghi - nyalèn bân nyalambherraghi polè matèri rèya è dâlem bujud otabâ format apa bhâi; Ađaptasi - ngarang, ngobâ, bân aghâbây toronan dâri matèri rèya ghâbây kaparlowan apa bhâi, tamaso' kaparlowan sè abhâthè.

Sè aberri' lisènsi ta' ngennèngnyabut katantowan è attas salanjhângnga sampèyan noro'è katantowan lisènsi rèya. Lisènsi è bâbâna Creative Commons CC-BY-SA 4.0

Kabbhi matèri è dâlem buku rèya bâđâ è bâbâna lisènsi Creative Commons Attribution Share-Alike (CC-BY-SA) 4.0. Pangeccapan maler buku rèya kodhu èkalako è bâbâna lisènsi sè sarobâ.



creativecommons.org/licenses/by-sa/4.0/deed.id

Ator Kabidhân



Sajjhek èpa'addhek bi' Jimmy Wales è taon 2001, Wikipèdia ella ajhâlânè parkembângan sè majhu. Bâdâna Wikipèdia bhâsa Inggris è taon 2001, pas ètoro'è klabân terbi'na Wikipèdia è dâlem bhâsa-bhâsa laènna è dhunnya, tamaso' sala sèttongnga Wikipèdia bhâsa Indonèsia è taon 2003. Addheghâ Wikimedia Foundation è taon 2003 sajân nonjhâng parkembângan Wikipèdia bân proyèk-proyèk satarètanna. È Indonèsia, Wikimèdia Indonèsia ella ngalakonè proyèk-proyèk sè ètojjuwaghi ghâbây nonjhâng parkembângan bân panambâ'ân dhârâjhât Wikipèdia, akadhî kontèn bân ghungghung orèng lan-ellan sè adhurrùn è dâlemma.

Sala sèttong program sè èjhâlânaghi bi' Wikimedia Indonesia iyâ arèya program WikiLatih sè ella bâdâ sajjhek taon 2016. Program WikiLatih aropa'aghi palatèyan nolès bân mec-cè' serradhân Wikipèdia. Samarèna program WikiLatih sè èkalako è bânnya' dâera, bi' alako bhâreng acem-macem instansi, organisasi, bân pamaoran, ghi' bânnya' pètanya-pètanya lomra bâb Wikipèdia sè segghut ètanya'aghi bi' sè noro' palatèyan, sarta bi' mèttra sè alako abhâreng bi' Wikimèdia Indonesia.

Salaènna arowa, mèdia sosial Wikimèdia Indonèsia: Facebook, Instagram, bân Twitter segghut kèya narèma pètanya-pètanya sè pađâ.

Pètanya ènga' apa bidhâna Wikimèdia bi' Wikipèdia, ollè apa enjâ' metthèk dâri Wikipèdia, cara metthèk bâberta sè teppa' dâri Wikipèdia, apa bhâi sè ollè ètolès è Wikipèdia, bân dâ'remma carana ngembângngaghi Wikipèdia è dâlem bhâsa dâera. Pètanya-pètanya kasebbhut segghut ètanya'aghi.

*JHÂ' METTHÈK DÂRI WIKIPÈDIA!
Pandhuman kèndâ' ka'angghuy sam-pèyan sè addhreng dâ' ka lombhung pangataowan sè palèng rajâ è dhunnya maya aropa'aghi sèttong tarèka dâri Tim Pendidikan Wikimedia Indonesia ghâbây aberri' jâwâbhân klabân pètanya-pètanya ghellâ'.*

Tim Pendidikan ngarep kalamon buku pandhuman kèndâ' arèya ngennèng aberri' pangataowan dhâsar bhâb Wikipèdia dâ' ka ca-kanca è lowaran dîssa' sè terro adhurruna è Wikipèdia.

Jakarta, 16 Maret 2020
Tim Program Pendidikan
Wikimedia Indonesia

Èssèna Buku

- 1 Apa rowa Wikipèdia?
- 3 Apa bhidhâna Wikipèdia bi' Wikimèdia?
- 5 Arapa Wikipèdia ècèpta' aghi?
- 6 Apa tojjhuwâna Wikipèdia?
- 7 Apa tebukka'na Wikipèdia aghâbây
èssèna Wikipèdia kennèng èbeccè'
otabâ èyobâ bân-sarobân?
- 8 Serradhân apa bhâi
sè bâdâ è Wikipèdia?
- 9 Arapa ma' tađâ'
iklan è Wikipèdia?
- 9 Pas Wikipèdia rèya ollè
pèssè đâri đimma?
- 10 Apa bhender Wikipèdia ta' ollè
èpadhâddhi sombher petthèghân?
- 11 Sabârâmpa amanpa'at
Wikipèdia rèya?
- 12 Apa serradhân è Wikipèdia
aghânđhu' bâberta sè bhender?
- 13 Apa artèna sombher petthèghân
sè bâdâ è serradhân è Wikipèdia
kodhu bisa èparcajâ?
- 14 Arapa ma' engko' đhâng-kadhâng
nemmo bâberta sè ta' bhender è Wikipèdia?
- 15 Pas đâ' remma carana meccè' è Wikipèdia?
- 16 Tolèsan apa bhâi sè ta' ollè ètolès/ta' ètarèma è Wikipèdia?





Apa engko' bisa ngako tolèsan è Wikipèdia rowa tang anḍi'?	17
Arapa èssèna Wikipèdia bhâsa Inggris bân Indonesia bhidhâ?	18
Arapa ma' bâḍâ orèng sè enḍâ' nolès è Wikipèdia makkè ta' ollè bâjârân?	19
È Indonesia, bhâsa apa bhâi sè ella anḍi' Wikipèdiana dhibi'?	20
Arapa ma' bâḍâ Wikipèdia bhâsa ḍaèra? Ḍâ' remma carana ma'addhek? Bân apa tojjhuwâna?	21
Satèya engko' ella terro abhâbhâddhâ Wikipèdia è tang bhâsa ḍaèra. Ḍâ' remma carana?	22
Engko' terro nolèssa serradhân è Wikipèdia, tapè cè' sossana nyarè iḍe topik sè ètolèssa. Apa bâḍâ jhâlân kalowarra?	23
Apa bâḍâ pandhuman ghâbây nolès è Wikipèdia?	24
Apa bâḍâ lokakarya nolès è Wikipèdia ghâbây orèng anyar? Engko' terro noro'a!	25
Apa mon engko' nolès è Wikipèdia bisa èghuna'aghi mènangka syarat ghâbây maongghâ pangkat?	26
Mon engko' terro atanya'a cem-macemma pètanya, engko' kodhu akojjhâ ka sapa?	27
Kaca panegghes Pamaoran	29

Apa rowa Wikipèdia?

လၢလၢတၢၢ်လၢလၢလၢလၢလၢလၢလၢလၢ

“Wikipèdia iyâ arèya lombhung pangataowan (ènsiklopèdia) dâring sè mardhika è bânnya’ bhâsa”

Wikipèdia iyâ arèya lombhung pangataowan (ènsiklopèdia) dâring sè mardhika è dâlem bânnya’ bhâsa. Maju bâca patètè jhâjhârbâ’anna tong-sèttong.

Sè kapèng sèttong, lombhung pangataowan (ènsiklopèdia). Apa rowa lombhung pangataowan (ènsiklopèdia)? Apa bhidhâna bi’ bâca’an laèn sè lomra èbâca akadhi koran, majalah, bân opini? Mènorot artèna, ènsiklopèdia iyâ arèya karjâ petthèghân sè aberri’ rèngkessan èlmo pangataowan dâri cem-macemma èlmo. Èntri sè bâdâ è dâlem ènsiklopèdia lebbi lanjhâng dâri kamus bân èssè bâbertana faktual (asèpat bhenḍer ghuongghu) bhâb subjèk sè èjhârbâ’aghi. Tenggerrè è ḍinna’ bâdâ oca’ faktual (fakta), sè ma’nana cocok bi’ sa’ongghuna bân marlowaghi bhuktè. Kalamon ollèya sèttong fakta, ènsiklopè-

dia kappra ètolès bi’ orèng sè ahli è sèttong èlmo. È Wikipèdia, “ka’ahliyan” arèya èkala’ bân èpetthèk dâri bher-sombher sekunḍer, akadhi pangeccapan bân panolès sè èyangghep kennèng èparcajà.



Pas apa bhidhâna Wikipèdia bi' ènsiklopèdia biyasa?



Wikipèdia tasaḍiyâ è **ḍâlem jhâring-an** (**ḍâring**). Sabelluna bâḍâ Wikipèdia è taon 2001, pajhât ella bâḍâ ènsiklopèdia sè tasaḍiyâ cara ḍâring, tapè ghi' èyojhi oddhi bân ta' sarajâ Wikipèdia.



Wikipèdia asèpat **tebukka'**. Wikipèdia dhâddhi rajâ satèya rèya karna sèpatta sè tebukka'. Tebukka' arèya artèna sapa bhâi bisa nambâ bân ngobâ èssèna (tantona sapa bhâi sè anḍi' sambhungan ḍâ' internèt).



Wikipèdia tasaḍiyâ è **ḍâlem cem-macemma bhâsa**. Ta' paḍâ bi' ènsiklopèdia laèn sè lomra pèra' tasaḍiyâ è sèttong bhâsa bhâi, akadhi bhâsa Indonesia otabâ bhâsa Inggris, Wikipèdia tasaḍiyâ è bânnya' bhâsa ḍaèra, akadhi bhâsa Nias, Gorontalo, Banjar, Madhurâ, bân èn-laènna.

Lomrana, Wikipèdia anḍi' 5 prinsip otama (è Wikipèdia, kalèmâna ghellâ' èkoca' panca-pilar) sè wâjib ètoro'è bi' sakabbhina vèrsi Wikipèdia kangaè arè satèya, iyâ arowa:



Aropa'aghi sèttong ènsiklopèdia



Kennèng èbeccè' bi' sapa bhâi



Asèpat ta' berrâ' salajâ (nètural)



Pèra' narèma èssè sè alisènsi tebukka'



Anḍi' atorâna bân kabijâghân sè èyejjâbhi areng-bhâreng.

Vèrsi ghenâna, sampèyan bisa mokka' pranala:

bit.ly/pancapilarwiki



Apa bhidhâna Wikipèdia bi' Wikimèdia?

லாலாணீமீஊஊஊஊலாலாணீமீஊஊஊஊலாலாணீமீஊஊஊஊ

“Wikimèdia iyâ arèya organisasi sè majhâlân Wikipèdia”

Makkè dâ-paḍâ anḍi' ter-ater “Wikipèdia”, tapè Wikipèdia bân Wikimèdia anḍi' artè sè bhidhâ. Wikipèdia arèya lombhung pangataowanna (ènsiklopèdia), dhinèng Wikimèdia arowa organisasi sè majhâlân Wikipèdia.

Bâḍâ ḍu macem Wikimèdia sè kodhu èkataowè, Wikimedia Foundation bân Wikimèdia Indonèsia. [Wikimedia Fo-](#)

[undation \(WMF\)](#) iyâ arèya yayasan sè ta' ngala' ontong sè bâḍâ è Amèrika Serikat sè nonjhâng bân majhâlân-naghi Wikipèdia. Makkè ḍâ'iyâ, WMF ta' aghâbây bân ta' ajâgâ èssè serra-dhâna. Salaènna Wikipèdia, WMF nonjhâng bân ajhâlânnaghi 11 situs “satarètanan” sè laèn mènangka Wiktionary (kamus), Wikidata (basis



data), Wikimedia Commons (bheng-kek), Wikivoyage (pandhuman wi-sata) bân pan-brâmpan situs laènna.

WMF anđi' bânnya' mèttra lokal sè nyalambher è bânnya' naghârâ, sala sèttongnga è Indonèsia. Mèttra lokal WMF è Indonèsia arowa **Wikimèdia Indonèsia (WMID)**. WMID èpa'a-ddhek bi' padhurrinna Wikipèdia lokal Indonèsia è taon 2008 bân panatana asèpat ta' aghumantong ka WMF.

Sènga', jhâ' sala kappra! Ta' kabbhi situs sè bậđâ "wiki"-na è internèt arowa èyoros bi' WMF. Situs ènga' WikiLeaks, Wikihow, bân WikiDPR bânne situs sè èyator bi' WMF.



Arapa Wikipèdia ècèpta'aghi?

လၢၤအလၢလံၤဧၣ်တုၤလၢလံၤလၢတုၤလၢတုၤလၢတုၤလၢတုၤလၢတုၤ

*“Wikipèdia molana pèra’ ghâbây
tambâ’âna Nupedia”*



Mon nengghu polè sajhârâna Wikipèdia, proyèk arèya èmolaè è sèttong proyèk ènsiklopèdia sè ènyamaè **Nupedia** è taon 2000. Nupedia èpa’addhek bi’ **Jimmy Wales** bân **Larry Sanger** sè bâkto rowa alako è bâsèro internèt sè nyamana Bomis. Nupedia dhibi’ è bâkto jârowa pèra’ ètolès bi’ orèng sè ahli.

Wales bân Sanger pas nyèpta’aghi polè sèttong situs anyama **Wikipedia** è taon **2001**. Proyèk Wikipèdia molana pèra’ èkaghâbây mènangka tambâ’ân ḍâ’ ka Nupedia. Tapè, sa’abiddhâ rowa, mala Wikipèdia sè sajân ka’alok. Nupedia dhibi’ pas ahèrra ètotop taon 2003 polana parkembânganna sè cè’ abiddhâ.

È Indonèsia, parkembânganna Wikipèdia èmolaè klabân lahèrra **Wikipèdia bhâsa Indonèsia** taon **2003** bi’ serradhân sè palèng awwâl abhul-ombhul “Elektron”. Pas sa-taon, lahèr Wikipèdia è ḍâlem bhâsa ḍaèra laèn sè terros akembâng kantos satèya.



Apa tojjhuwâna Wikipèdia?


လလလကတလကတလကတလကတလကတလကတလကတလကတလကတလကတလ

“Imagine a world in which every single person on the planet is given free access to the sum of all human knowledge. That’s what we’re doing.”
 - Jimmy Wales



Akadhiyâ sèttong dhunnya sè yap-nèyap orèngnga bisa salang adhu’um pangataowan samardhikana. Ènga’ rèya sè èkalako kaulâ sadhâjâ.

Yâ rowa tojjhuwâna Wikipèdia. Ka’angghuy mabâdâ èlmo pangataowan ana-bârna lèbât sèttong ènsiklopèdia ðàring sè mardhika bân tebukka' sarta kennèng èyollè'è bi' sapa bhâi, bilâ bhâi, bân è ðimma bhâi.



Serradhân apa bhâi sè bâdâ è Wikipèdia?

බිනිසාසාහසනසාහසනසාහසන

සාහසනසාහසනසාහසනසාහසනසාහසන

“Wikipèdia mowa’ acem-macem èlmo pangataowanna manossa”

Wikipèdia mowa’ acem-macem èlmo pangataowanna manossa, molaè ðâri bhâb sè serius akadhi hokom, èkonomi, filsafat, tèknologi, sains, èlmo bhumè, èlmo falak sampè’ bhâb ka’oncara ènga’ komik, manga, film, musik, bân anime tasaḍiyâ è Wikipèdia.

Arèya conto serradhân è Wikipèdia sè ella bhâghus, artèna ella aḍḍhu klabân katantowan kalajâkanna, sarta atoran panolèsan serradhâna ella bhâghus bân aḍḍhu èsabâ’ è Wikipèdia.

Sampèyan bisa mamaso’ bhul-ombhul serradhân è kothak panyarèyan è bâgiyân kangan attas kaca Wikipèdia.



Tanèyan lanjhâng
pamokèmanna
orèng Madhurâ



Universitas Islam Negeri Syarif Hidayatullah Jakarta
universitas Islam negeri è Jakarta



Katombhâr
totombuwân sè buwâna
aghuna mènangka palappa



Singo ulung
tatèngghun sokkla
Dhisa Bhlimbing,
Kabupatèn Bândâbâsa



Polo Madhurâ
kennengganna orèng
Madhurâ aengghun



Di Bawah Lindungan Ka’bah
novèl klasik Indonèsia
sè èyangghit bi’ Hamka

Belum masuk log [Kandhâ](#) [Dhurrun](#) [Ghâbây akun](#) [Alebbhu](#)

Bâca [Lihat sumber](#) [Tèngghu riwayat](#)

Arapa ma' tadâ' iklan è Wikipèdia?

လၢဘၢလၢဖၢၤလၢလၢၤ
လံာ်ကွၢ်တုၤကၤလံာ်ကွၢ်တုၤလၢလံာ်လၢၤ



Jimmy Wales, sè abhâbhâd Wikipè-
dia, ngoca' mon bâđâna iklan arowa
bhâkal aghâbây kasdu. Arapa? Polana
sè aberrî' iklan pasthèna bhâkal nolès
serradhân sè ghus-bhâghus bhâi,
dhinèng Wikipèdia ce' ajhung-jhung
tèngghi kasatèmbhângan, dhâddhi
serradhâna sè bâđâ ta' ollè berrâ'
salajâ.

Pas Wikipèdia rèya ollè pèssè đâri đimma?

လၢသ့ၣ်ကွၢ်တုၤလၢလံာ်လၢတုၤဘၢလၢ
တုၤလၢၤတုၤလၢၤတုၤလၢၤအၤတုၤလံာ်လၢၤ

Sabbhân taon, Wikimedia Founda-
tion mapolong amal è kaca proyèkka
tamaso' kèya Wikipèdia. Lomrana
èpabâđâ sataon sakalè. Pèssè arèya sè
èyangghuy bi' Wikimedia Foundation
ka'anghuy nonjhâng pamaoran Wi-


kipèdia è bânnya' naghârâ, arabât
pala'jân Wikipèdia, sarta kabhu-
towan operasional è kantorra.

Apa bhender Wikipèdia ta' ollè è padhâddhi sombher petthèghân?

လာလ်းၼိၼ်ႇလၢ်ၼိၼ်ႇတူၼ်းလၢ်လၢ်လၢ်လၢ်လၢ်လၢ်လၢ်လၢ် တူၼ်းလၢ်လၢ်လၢ်လၢ်လၢ်လၢ်လၢ်လၢ်

Yâ bhender! Serradhân è Wikipèdia ta' ollè è padhâddhi sombher petthèghân. Kalamon sampèyan nyarè bâberta è Wikipèdia, kala' bher-sombher petthèghân sè èghuna' aghi è serradhân Wikipèdia mènangka

sombher petthèghân, bânne serradhân Wikipèdiana. Angghep Wikipèdia rèya ghâbây "labâng" ka' angguy metthèk sombher petthèghân sè bhâghus.



Sombher-sombher petthèkan sè èyàngghuy è serradhân e Wikipèdia, akantha buku, jurnal, situs wèb bân èn-laènna.

Sombher [beccò' | beccé' sombher]

- [↑] 1,0 1,1 1,2 Lawton BP, 2007. Parsleys, fennels, and Queen Anne's lace: Herbs and ornamentals from the umbel family. Portland, OR, USA: Timber Press. 156 pp.
- [↑] 2,0 2,1 2,2 2,3 2,4 2,5 2,6 2,7 2,8 <https://www.cabi.org/isc/datasheet/15300>
- [↑] https://ballitro.litbang.pertanian.go.id/?page_id=5323&lang=en
- [↑] Diederichsen A, Rugayah, 1999. Coriandrum sativum L. In: Guzman CC de, Siemonsma JS, Eds. Plant Resources of South-East Asia (PROSEA) No. 13: Spices. Backhuys Publisher, Leiden, The Netherlands, pp. 104-108.
- [↑] Florida, 2015. Coriandrum sativum. Floridata plant database. Tallahassee, Florida: Floridata.com. http://www.floridata.com/ref/c/cori_sat_cm

Apa serradhân è Wikipèdia aghândhu' bâberta sè bhender?

လၢလၢလၢၤဘၣ်ထေတုၤလၢလၢလၢၤတၢ်လၢလၢလၢၤလၢလၢလၢၤ
လၢလၢလၢလၢၤလၢလၢလၢလၢၤလၢလၢလၢလၢၤလၢလၢလၢလၢၤ

Yap-nèyap orèng sè maca Wikipèdia kodhu ta' ghâmpang parcajà mon maca bân nyarè bâberta è Wikipèdia. Bâberta sè bâđâ è Wikipedia jhâ' terkas ètarèma đâ'iyâ bhâi.

Parkara otama sè kodhu sampèyan lakonè iyâ arèya ènga'è apa è serradhân kasebbhut bâđâ sombher petthèghânna. **Sombher petthèghân** è nèyap serradhânna Wikipedia ètenggerè bi' angka **[1]**, **[2]**, **[3]** ènga' rèya:

Katombhâr



Katombhâr (ကတံဘဲ) otabâ **ketombhâr** (ကဲတံဘဲ) otabâ **tombhâr** (တံဘဲ)
(*Coriandrum sativum*) iyâ arèya totombuwân sè tamaso' ka đâlem famili' Apiaceae.
Katombhâr sala sèttong palappa sè kaoncara. Buwâna nè'-kènè', bunter, otabâ loncong. Bighina lomra èpakerrèng pas èjhuwâl. Ropana katombhâr sè ghi' ta' èpa'alos para' padâ'â bi' sa'ang. Katombhâr rèya andi' bâu sè khas. È **bhâsa Indonesia** èkoca' *ketumbar*, salaenna arowa tombuwân arèya èkoca' kèya *chinese parsley*, *common coriander* (Inggris), *penjilang* (Malaysia), *vannsuy* (Kamboja), *nannan* (Myanmar), *kulantra* (Filipina), bân *phakhchi* (Thailand).^{[1][2][3]}



Mon sampèyan nemmonè angka ènga' ghellâ', lajhu klik bhâi, sampèyan bhâkal ètodhuwi đâ' ka sombher petthèghânna. Sampèyan ngen-nèng maca sombher petthèghân sokklana mon terro taowa bâberta sè leb-bijhârna'.

Kađuwâ', sa'ellana tao sombher sokklana, satèya pas têngghu, apa sombher petthèghânna sè sokkla ghellâ' kennèng èparcajà apa enjâ'. Kènga'è sabârâmpa bhâghus “dhârâ-jhât” sombher ghellâ'. Sombher đâri mèdia sosial, blog dhibi', buku eccapanna dhibi', tantona bânne sombher petthèghân sè kennèng parcajà.

Apa artèna sombher petthèghân sè bâdâ è serradhân Wikipèdia kodhu bisa èparcajà?

လာလါတဲတုဒါကတုဒါအဲဒါလိတုဒါကတုဒါ
တုဒါကတုဒါလိဘာလိကတုဒါလိလါလါ
တုဒါကတုဒါလိဘာလိကတုဒါလိလါလါ

Yâ kodhu! Pamaoran Wikipèdia ella anđi' đhâsar sè koko bhâb sombher petthèghân ènga' apa sè lajàk bân kennèng èyangghuy è Wikipèdia. Arèya kèya ella èsregghebbhi bi' pamaoran bân bâdâ onđhâghân kaparcajà'anna:



1. Kennèng èparcajà. Jurnal ilmiah, buku eccapan kalowaran pangecapan sè taparcajà, majalah/tabloid èlmo pangataowan, međia massa nasional, bân legghâbây akhèr sè ella èyojhi bi' ahli tamaso' ka đâlem bhângsa rèya.



3. Mon bisa jhâuwi. Blog, koran kablâka'an, tabloid gosip mon bisa jhâuwi.



2. Ta' èmandâttaghi. Buku eccapanna dhibi', kolè'na kasèt, serradhân sarobân đâri situs kalonta ta' ollè èyangghuy mènangka sombher petthèghân.



4. Sama sakalè ta' bisa. Kabbhi Wikipèdia sè è bhâsa laèn bân situs laèn sè ètolès ènga' Wikipèdia, jhâ' angghuy mènangka sombher petthèghân. Pađâ kèya bi' međia sosial bân panyađiyâ sorat kènđâ' akadhi Facebook, Twitter, Instagram, bân Whatsapp/Line.

Arapa ma' engko' dhâng-kadhâng nemmo bâberta sè ta' bhender è Wikipèdia?

လာဘာလအေ့လိကိတုကောဒုသံကောသံဂိတုဗျာဒ
လောဒိကိလောကုလောဒုဒိကိဗျိတုလာသံကံတုလိသံလာ

Arèya conto ghâmbhâr sarghebbhân sè tapak èkèrèmmaghi sala sèttong pangangghuy Wikipèdia dâri messin panyarè Google bhâb sèttong dâri Norwegia anyama Mayhem (sè èssèna èpetthèk dâri Wikipèdia bhâsa Indonesia).

Mayhem
Kelompok musik

Mayhem adalah kelompok musik religi dari slawi yang dibentuk pada 1983. Formasi awal mereka terdiri dari deden dan asepg gondrong dan dadan dagul. Nama mereka diambil dari lagu "Mayhem mayhem kok keluyuran" oleh arif rambo. [Wikipedia](#)

Tanèyan Parembhâgh

WIKIPÈDIA
Lombhung Pangataowan Mardhika

Tanèyan
Sorambhi pamaoran
Lalampa'an jângkènè
Obá'an ghi' bhuwân
Kaca sabhârâng
Bhântowan
Nyombhâng

Lalakon ènga' rèya ènyamaè vandâlisme, iyâ arowa meccè' serradhân tapè tojjhuwâнна marosak. Para 'tokang jâgâ' Wikipèdia aèkhtèyar ghâbây ajâgâ serradhân-serradhân sè bâdâ dâri lalakon vandâl ènga' rèya.


Tapè mon sampèyan nemmo serradhân sè ècapo' vandâl ènga' rowa, sampèyan bisa terkas abâlâ dâ' ka kaca 'Sorambhi pamaoran' klabân ngaklik 'Sorambhi pamaoran' è kolom kacèr è pantha tangas raè Wikipèdia.

Pas dâ'remma carana meccè' è Wikipèdia?

လၢသ့ၣ်လၢဗျာဏာၣ်အာၣ်
ဖါၣ်တုၣ်သ့ၣ်တုၣ်လၢလံၤအံၣ်တုၣ်လၢလံၤလၢ

Bâkto sampèyan maca Wikipèdia, sampèyan tapak nganalè tolèsan “beccè’” è pantha kangan tas-attassa kaca?

Mon èklik “Beccè’”, abâsâna kaca Wikipèdia bhâkal aobâ ka cara “meccè’”, sè sampèyan bisa meccè’ kaca kasebbhut. Sampèyan bisa nengghu abâsân cara meccè’ è bâbâ rèya:



Neng è cara “meccè’” rèya, sampèyan bisa nambâ èssè serradhân sè korang, mabhender sè sala, otabâ ngosot sè sarombân. Jhâ’ loppa nambâi kèya sombher petthèghân. Mon marè, karè klik polè “Paterbi’ obâ’ân” è pantha kangan attas.



Beccè’anna sampèyan bhâkal èsèmpen bân terkas angghâl!

Tolèsan apa bhâi sè ta' ollè ètolès/ta' ètarèma è Wikipèdia?

တုလ်းတုလ်းတုလ်းတုလ်းတုလ်းတုလ်းတုလ်းတုလ်း
 တုလ်းတုလ်းတုလ်းတုလ်းတုလ်းတုလ်းတုလ်းတုလ်း
 တုလ်းတုလ်းတုလ်းတုလ်းတုလ်းတုလ်းတုလ်းတုလ်း

Wikipèdia anđi' kaca khosos sè bhul-ombhullâ “**Wikipedia:Bukanlah**”. Mon mokka'a kaca sè èmaksod, sampèyan bisa ngettik bhul-ombhul è kolom panyarèyan Wikipèdia. È kaca rèya, sampèyan ngennèng maca apa bhâi sè bânnè nger-tengngerra ènsiklopèdia. È bâbâ rèya è antarana:



Kamus, polana Wikipèdia anđi' proyèk sabhâlâ'âna sè nyamana Wiktionary.




Koran/berta aktual, polana Wikipèdia anđi' kèya proyèk sabhâlâ'âna sè anyama Wikinews.



Kennengngan nyabâ' iklan, polana pajhât bânnè kennengnganna. Sè kodhu èpamaso' ka Wikipèdia rèya bhârâng sè ella kalonta, bânnè mablè rèng-orèng tao polana Wikipèdia.



Buku ressep, panodhu olo, panodhu longan, buku panga-jhârân, kompolan jurnal, tutorial, bân sana-bârnana sè ta' anđi' nger-tengngèr tolèsan ènsiklopèdia.



Sampèyan karè mamaso' “**Wikipedia:Bukanlah**” è kothak panyarèyan mon èntara ka kaca kasebbhut.

Apa engko' bisa ngako tolèsan è Wikipèdia rowa tang andi'?

လၢလၢလီၢ်တူၤကၢၤဒုၤနီၢ်သၢကၢၤတူၤကၢၤ
 တူၤကၢၤတူၤကၢၤကၢၤကၢၤကၢၤကၢၤကၢၤကၢၤ
 တူၤကၢၤလၢလီၢ်လၢလီၢ်

Sèttong parkara sè kodhu èpahamé iyâ arèya sèpat dhâsarra Wikipèdia sè bisa èbeccè' bi' sapa bhâi. Ènga' apa lanjhangnga serradhân sè sampèyan bhâbhâd, bhâkal bâdâ orèng laèn sè ngembângaghi serradhâna. Dhâ-ddhi, sanèyap serradhân è Wikipèdia rowa èka'andi' abhâreng bân ta' kennèng èka'andi'i otabâ èyako bi' sapa bhâi. Alasân laènna iyâ arèya ma'lè serradhân è Wikipèdia ta' coma aèssè sèttong paddhu pangabâsân bhâi bân kasatèmbhângan serradhân è Wikipèdia teptep tajâgâ.

Kaca arèya èbeccè' palèng ahèr è 9 Fèbruwari 2022, pokol 18.37.

Tèks tasadiyah è bâbâ Lélla Atribusi-AbâgiSarobâ Creative Commons; katantowan tambâ'an amé' éyangghuy kéya. Téngghu Katantowan Paghuna'an sopajâ jellas.

Katantowan roséya [Parkara Wikipédia](#) [Panyangkalan](#) [Abâsân dâri sètulèr](#)

Pangembâng [Settat](#) [Panyala'an kuki](#)



Salaènna rowa, Wikipèdia aghu-na'aghi lisènsi tebukka' è sanèyap èssèna. Lisènsi tebukka' iyâ arèya lisènsi sè maghâmpang pangangghuy bân sè andi' kontèn ghâbây adhu'um bân ngangghuy jâ-karjâna. Lisènsi tebukka' sè èghuna'aghi è Wikipèdia iyâ arèya Lisènsi Creative Commons Atribusi-Berbagi Serupa 3.0. Mon terro taowa bhâb lisènsi rèya, sampè-yan èntarè bhâi situssa è:

creativecommons.or.id



Arapa èssèna Wikipèdia bhâsa Inggris bân Indonesia bhidhâ?

လာဘလတုလာတုလာ အလင်္ကာတုလာလံလဟလာ
 လူကံ (ကံ) ကံကံကံကံကံကံကံကံကံကံ

Èssè sè bâdâ è Wikipèdia bhâsa Inggris bân bhâsa Indonesia ella tanto bhidhâ polana sanèyap serradhân è Wikipèdia èbhâbhâd bi' orèng sè dhâ-bhidhâ kèya. Serradhân è Wikipèdia lakar bisa èghâbây bi' bot (*robot*), tapè lomrana ghâbây râng-bhârâng sè topigghâ ali-bâli akantha bâgiyân wilayah, taksonomi biologi, otabâ nyama objèk lowar bâng-abâng. Mon topigghâ serradhân salaèn arowa, teptep kodhu ètolès bi' manossa bân èkembângaghi bi' manossa.

Arapa serradhân è bhâsa Inggris lebbi bânnya' èbhândhingaghi bi' è bhâsa Indonesia? Polana padhurrun Wikipèdia bhâsa Inggris lebbi bânnya' kèya mon èbhândhing bi' Wikipèdia bhâsa Indonesia. Satèya, è Wikipèdia bhâsa Inggris bâdâ ra-kèra **120.000** pangangghuy aktif sabbhân bulânna (aktif arèya artèna meccè' lebbi dâri 5 kalè sabbhân bulân), dhinèng è bhâsa Indonesia pèra' **3000**. Sampèyan bisa nèngghu bhidhâ sè jhâu bhâb padhurrun sè apangaro dâ' ka bânnya'na kontèn è antara kaḍuwâ' vèrsi Wikipèdia ghellâ'.



Arapa ma' bâḍâ orèng sè endâ' nolès è Wikipèḍia makkè ta' ollè bâjârân?

လောဘလအေဒုဇာလတုလကၢတုဃံတုလါကိဏ္ဍ
တုလကၢတုလါကိဏ္ဍတုလါကိဏ္ဍတုလါကိဏ္ဍ
အေဒုဇာလတုလကၢတုဃံတုလါကိဏ္ဍ

Meccè' serradhân è Wikipèḍia ḍâ' ka padhurruna mènangka hobi. Hobi a-dhurrun sè èkalèburi. Pan-brâmpān padhurrun Wikipèḍia senneng adhu' - um bâberta sè anyar kèya, ènga' mon bâḍâ kadhâddhiyân rajâ sè apangaro lowas, pasthè bâḍâ padhurrun Wikipèḍia sè terkas aghâbây serradhâna. Pan-brâmpān pangangghuy sè lèbur mongghu topik sè cè' khosossa, aka-deng paseppuran. Para railfans (jhu-lughân ka'angghuy sè ghiyâr klabân paseppuran) kalonta cè' sèngka'na mon bâḍâ jawâl seppur sè aobâ, otâ-bâ bâḍâ bâberta sè palèng anyar bhâb tapsiyun bân èn-laènna.

Pan-brâmpān padhurrun Wikipèḍia sè bâḍâ è ḍaèra ngako jhâ' lèbur meccè' serradhân polana parduli klabân kalangghengan bhâsa ḍaèrana bâng-

sèbâng. Jhâ' ghetton mon ghân arè satèya è Indonèsia bâḍâ 13 bhâsa ḍaèra è Wikipèḍia bi' atosan Wikipèḍia bhâsa ḍaèra laèn sè ghi' èbhâbhâd è ḍâlem Incubator (sala sèttong proyèk Wiki sè èghuna' aghi ka'angghuy yèk-proyèk Wiki sè bellun bisa ngaddhek dhibi').



Arapa ma' bâdâ Wikipèdia bhâsa ðàèra? Ðâ'remma carana ma'a-ddhek? Bân apa tojjhuwâanna?

လၢၤဘၢလၢအံၤဒုၤလၢလၢဝါၤကံၤတုၤလၢလၢဝါၤလၢလၢလၢ
 လၢတုၤလၢဘၢလၢလၢလၢလၢလၢလၢလၢလၢလၢလၢလၢလၢလၢလၢလၢ
 လၢလၢလၢလၢလၢလၢလၢလၢလၢလၢလၢလၢလၢလၢလၢလၢလၢလၢ

Wikipèdia bhâsa ðàèra è Indonèsia kennèng èyartè'è mènangka Wikipèdia sè ngangghuy bhâsa-bhâsa sè èkacaca è Indonèsia, salaenna bhâsa Indonèsia mènangka bhâsa nasional.

Wikipèdia bhâsa ðàèra sè palèng awwâl terbi' iyâ arèya **Wikipèdia bhâsa Jhâbâ** sè molaè èbhâbhâd è taon 2004 bi' **Revo Arka Giri Soekatno**. Revo kèya sè abhâbhâd Wikipèdia bhâsa Indonèsia è taon 2003. Revo ngangghèp mon pangataowan kodhuna ta' pèra' è bhâsa Indonèsia bhâi, tapè kodhu bâdâ è bhâsa-bhâsa

laèn sè èkacaca è Indonèsia kèya, polana pangataowan arèya ha'na yap-nèyap orèng.

Terbi'na Wikipèdia bhâsa Jhâbâ pas noraè Wikipèdia è ðâlem bhâsa ðàèra sè laèn, akadeng bhâsa Nias, Gorontalo, Banjar, bân Madhurâ.

Salaenna arowa, ka sè aktif adhurrun è Wikipèdia bhâsa ðàèra, nolès bân meccè' serradhân è Wikipèdia bhâsa ðàèra aropa'aghi sala sèttong èhtèyar ajâgâ bhâsa ma'lè teptep langgheng.



• * လဲၤလၢၤ လဲၤလဲၤလဲၤ *
 * * * * *
 * * * * *
 * * * * *
 * * * * *

Satèya engko’ ella terro abhâ- bhâddhâ Wikipèdia è tang bhâsa ðàera. Ðâ’remma carana?

၎းတူၤလၢလၢလၢပံၤတူၤကၢၤန့ၢ်ပံၤတူၤကၢၤန့ၢ်ပံၤ
လၢလၢလၢလၢလၢလၢလၢလၢလၢလၢလၢလၢလၢလၢ
လၢလၢလၢလၢလၢလၢလၢလၢလၢလၢလၢလၢလၢ

Wikimèdia andi’ sèttong situs proyèk sè khosos aghârâp bhâb arèya, nyamana Wikimedia Incubator. Ènga’-nyamana, situs arèya nampong yèk-proyèk sè èyangghep “ghi’ ta’ lajàk” mon èpa’addhek. È Incubator, yèk-proyèk bhâkal èpadibâsa ma’lè lajàk èpaterbi’ klabân nyama ðomainna dhibi’. Sampèyan bisa èntar ðâ’ ka situs arèya è incubator.wikimedia.org.

Tapè sampèyan parlo tao sala sèttong syarat ma’lè bhâsa ðàerana sam-pèyan bisa èkaghâbây situs Wikipèdiana, iyâ arèya kodhu bâðâ koðe ISO 639. Sala sèttong cara ghâbây ngojhi apa bhâsa ðàerana sampèyan andi’ koðe ISO 639 apa enja’ klabân nèngghu è ethnologue.com. Pamaso’ nyama bhâsana pas tèngghu asèlla. Kalamon sampèyan terro abhâbhâddhâ Wikipèdia ngangghuy bhâsa ðàerana sampèyan tapè bhi-ngong carana amolaè, sampèyan bisa akojhâ para pongghâbâ Wikimèdia

Indonesia sè kontakka kennèng sampèyan temmowè è akhèr buku rèya. Para pongghâbâ Wikimèdia Indonesia ðâgghi’ bhâkal abhânto ngatorraghi pamènta ma’lè èghâbâyaghi Wikipèdia è bhâsa ðàerana sampèyan.



Engko' terro nolèssa serradhân è Wikipèdia, tapè cè' sarana nyarè ide topik sè ètolèssa. Apa bâdâ jhâlân kalowarra?

لما تقرر انشاء مقالة في ويكيبيديا، فإن أول شيء تفعله هو اختيار الموضوع الذي ستكتبه. هل يمكنك اختيار الموضوع الذي تكتبه؟

Sampèyan bisa molaè nolès topik serradhân sè èkasennengè, tapè sampèyan kodhu masthè jhâ' serradhân sè ètolèssa **ghi' ta' tasadiyahâ** è Wikipèdia. Salaènna rowa, kodhu èkèng'a' è mon nolès serradhân è Wikipè-

dia kodhu **nètral**, saèngghâ sampèyan ta' ollè pèra' nolès sè ghus-bhâghus-sâ otabâ sè bâ'-jhubâ'na bhâi. Sampèyan kodhu nolès apa bâdâna, sè sanno' bi' bâberta sè ètemmowè è sombher taparcajâ sè èpetthèk.

INFO WIKI
WIKIPÈDIA BHÂSA MADHURÂ ÐÂLEM ANGKA

<div style="text-align: center; font-size: 2em; font-weight: bold; color: #0072bc;">203.108</div> <p style="text-align: center; font-size: 0.9em;">Ghungghung sè èntar ka Wikipèdia bhâsa Madhurâ sataon buðian (April 2020-Maret 2021)</p> <div style="display: flex; justify-content: space-between; align-items: center; margin-top: 20px;"> <div style="font-size: 0.8em;">padhurrun aktif è Wikipèdia bhâsa Madhurâ, Desèmber 2020-Maret 2021</div> <div style="font-size: 2em; font-weight: bold; color: #0072bc;">10</div> </div> <div style="display: flex; justify-content: space-between; align-items: center; margin-top: 20px;"> <div style="font-size: 0.8em;">ghungghung obâ'an è Wikipèdia bhâsa Madhurâ, Desèmber 2020-Maret 2021</div> <div style="font-size: 2em; font-weight: bold; color: #0072bc;">1.058</div> </div> <div style="display: flex; justify-content: space-between; align-items: center; margin-top: 20px;"> <div style="font-size: 0.8em;">ghungghung kaca sè èbeccè', Maret 2021</div> <div style="font-size: 2em; font-weight: bold; color: #0072bc;">795</div> </div>	<div style="text-align: center; font-size: 2em; font-weight: bold; color: #0072bc;">65.751</div> <p style="text-align: center; font-size: 0.9em;">Ghungghung sè èntar bulân Maret 2021</p> <div style="display: flex; justify-content: space-between; align-items: center; margin-top: 20px;"> <div style="text-align: center;"> </div> <div style="text-align: center;"> <div style="font-size: 2em; font-weight: bold; color: #0072bc;">16%</div> <div style="font-size: 0.8em;">Klabân web ponsel bân karèna ngangghuy aplikasi ponsel</div> </div> </div> <div style="display: flex; justify-content: space-between; align-items: center; margin-top: 20px;"> <div style="text-align: center;"> </div> <div style="text-align: center;"> <div style="font-size: 2em; font-weight: bold; color: #0072bc;">84%</div> <div style="font-size: 0.8em;">Sè ngaksès ngangghuy <i>desktop</i></div> </div> </div> <div style="display: flex; justify-content: space-between; align-items: center; margin-top: 20px;"> <div style="text-align: center;"> </div> <div style="text-align: center;"> <div style="font-size: 2em; font-weight: bold; color: #0072bc;">15%</div> <div style="font-size: 0.8em;">è ngaksès dâri Amerika Serikat, ètoro'è Indonesia, Rusia, Korea Selatan, bân Swedia</div> </div> </div>
<div style="font-weight: bold; font-size: 1.1em; color: #0072bc;">Bambang Reguna Bukit Tere Liye Wikipèdia</div> <p style="font-size: 0.9em;">Serradhân sè palèng kotara Maret 2021</p>	

Dâri stats.wikimedia.org/v2

Apa mon engko' nolès è Wikipèdia bisa èghuna'aghi mènangka syarat ghâbây maongghâ pangkat?

လၢလၢတုၤအၤအၤတၢ်တုၤအၤအၤတုၤလၢတုၤလၢတုၤ
 လၢတၢ်တုၤလၢတၢ်လၢတၢ်လၢတၢ်လၢတၢ်လၢတၢ်
 တုၤအၤအၤတၢ်တုၤအၤအၤတုၤလၢတုၤလၢတုၤလၢတုၤ



Nolès è Wikipèdia rèya aḍhasar kla-bân lan-ellan mangkana ta' bisa aberri' pangaro ka kasoghiyân tamaso' maongghâ pangkat.

Tapè, nolès è Wikipèdia bisa mamolbul kamampowan sè ta' tèknissa sampèyan, akadhi nolès, bân nyarè sombher petthèghân sè taparcajâ, sè bhâkal aghuna è ḍâlem acem-macem lalakon è pamolangan, akantha nyoson kurikulum, nyarè bahan ajhâr, bân nolès reppot.



Padhurrun palèng aktif Maret 2021 è Wikipèdia bhâsa Madhurâ

Boesenbergia **Rachmat04**

87 obâ'ân

47 obâ'ân

Egilus

42 obâ'ân

**pangangghuy
ta' anyama**

21 obâ'ân

**Alfiyah Rizzy
Afdiquni**

10 obâ'ân

Dâri stats.wikimedia.org/v2

Atribusi ꦱꦫꦤ꧀ꦠꦿꦶꦁꦭꦩ

ROBĀ AKSARA

Montserrat bi' Julieta Ulanovsky | OFL
Merrriweather bi' Sorkin Type | OFL
Noto Sans Javanese bi' Google | OFL
Segoe UI bi' Microsoft

[21] *Ranga* bi' TipTopTyp | OFL • *Leelawadee* (aksara Bugis) bi' Microsoft • *Noto Sans Rejang* (aksara Rejang) bi' Google | OFL • *TG Siloka Sundanese* (aksara Sonḡhâ) bi' Tegamitype/Iqbal Firdaus • *Noto Sans Javanese* (aksara Jhâbâ) bi' Google | OFL • *Noto Sans Balinese* (aksara Bhâli) bi' Google | OFL • *Arabic Typesetting* bi' Microsoft (aksara Arab) • *Noto Sans Batak* (aksara Batak) bi' Google | OFL • *Wijaya* (aksara Kawi) bi' Aditya Bayu Perdana

FOTO

[1] *CEEMeeting2016 Armenia Globe 25* bi' AWang (WMF) | Wikimedia Commons | CC BY-SA 4.0

[3] *Wikimania 2016 - group photo 03* bi' Niccolò Caranti | Wikimedia Commons | CC BY-SA 4.0

[6] • *Old Wikipedia* bi' L337p4wn (pengunggah) | Wikimedia Commons | CC BY-SA 3.0 • *Jimmy Wales 83 1* bi' Chris Floyd | Wikimedia Commons | CC BY-SA 3.0

[7] *Keceriaan WikiNusantara1* bi' Studio Amarana kanggo Wikimedia Indonesia | Wikimedia Commons | CC BY 3.0

[8] • *Taneyan Lanjhang* bi' Ivuvisual | Wikimedia Commons | CC BY-SA 4.0 • *Kampus uin jakarta* bi' Nida ilmi | Wikimedia Commons | CC BY-SA 4.0 • *Coriander* bi' Novalis | Wikimedia Commons | CC BY-SA 3.0 • *Singo* bi' Yogie asmi | Wikimedia Commons | CC BY-SA 4.0 • *Peta Provinsi Madura* bi' RizkyJogja | Wikimedia Commons | CC BY-SA 4.0 • *Di Bawah Lindungan Kabah cover* | Berkas nonbebas untuk ilustrasi

[9] Foto uang rupiah bi' Eko Anug | Pixabay | Lisensi Pixabay

[10] Foto buku bi' Nick Fewings | Unsplash | Lisensi Unsplash

[19] *WikiLatih Indonesiana; April 2017 03* bi' Indorelawan | Wikimedia Commons | CC BY-SA 4.0

[25] • *Wikilatih Purworejo 1* bi' Hidayah Sunar | Wikimedia Commons | CC BY-SA 4.0 • *WikiLatih Sunda Universitas Pendidikan Indonesia 17-19 September 2018 10* bi' Nadiantara | Wikimedia Commons | CC BY-SA 4.0 • *Sukarelawan pelatih WikiLatih APKS PGRI Kabupaten Jember (Gelombang 1)-3* bi' Ahmadi SE | Wikimedia Commons | CC BY-SA 4.0 • *April 29 2018 WikiLatih Indonesiana 2.0 with Indorelawan* bi' Indorelawan | Wikimedia Commons | CC BY-SA 4.0

[26] *WikiPelatih PGRI Sulsel-7* bi' Gunarta | Wikimedia Commons | CC BY-SA 4.0

GRAFIS

[2] *Wikimedia Illustration Header Detail Projekte* bi' Blanca Flores | Wikimedia Commons | CC BY-SA 4.0

[4] *Wikipedia Education Backpack 1* bi' Blanca Flores | Wikimedia Commons | CC BY-SA 4.0

[5] • *Nupedia* bi' Nupedia bân milodesign.com, berkas vèktor bi' Habitator terrae | Wikimedia Commons | Domain Publik • *Nupedia, the open content encyclopedia 2000-08-15* bi' nupedia.com | Wikimedia Commons | CC BY-SA 3.0

[17] *Wikimedia Illustration Header Detail Digitales Ehrenamt* bi' Kati Szilágyi ghâbây Wikimedia Jerman | Wikimedia Commons | CC BY-SA 4.0

[18] *Wikimedia Illustration Header Detail Recherche 2* bi' Kati Szilágyi ghâbây Wikimedia Jerman | Wikimedia Commons | CC BY-SA 4.0

[21] Themenfeld Wissensgesellschaft bi' Kati Szilágyi ghâbây Wikimedia Jerman | Wikimedia Commons | CC BY-SA 4.0

[22] *Wikipedia Community cartoon - high quality* bi' Giulia Forsythe, ghâmbhâr épatoron bi' Asiyeh Ghayour, épamonghâ bi' Seyyedalith | Wikimedia Commons | CC0

IKON

[2] • *Globe* bi' Eagle Eye | Noun Project | CC BY • *Open Lock* bi' Caio Ranieri | Noun Project | CC BY • *Translation* bi' Mun May Tee | Noun Project | CC BY • *Encyclopedia icon* bi' Atón | Wikimedia Commons | CC BY-SA 4.0 • *Light bulb icon red* bi' Atón | Wikimedia Commons | CC BY-SA 4.0 • *Scale icon green* bi' Atón | Wikimedia Commons | CC BY-SA 4.0 • *Jigsaw piece yellow 01* bi' Atón | Wikimedia Commons | CC BY-SA 4.0 • *Smiley icon orange* bi' Atón | Wikimedia Commons | CC BY-SA 4.0

[16] • *Dictionary* bi' Kantor Tegsari | Noun Project | CC BY • *Advertisement* bi' Komkrit Noenpoempisut | Noun Project | CC BY • *Newspaper* bi' Fahmi | Noun Project | CC BY • *Writing* bi' andriwidodo | Noun Project | CC BY

[22] • *Phone* bi' Larea | Noun Project | CC BY • *Computer* bi' Phoenix Dungeon | Noun Project | CC BY • *Indonesia* bi' Ivan Colic | Noun Project | CC BY

Kaca Panegghes කතෘපාඨකිකියා

A

Addhreg: terro ghu-ongghu

B

Bàsèro: *perusahaan* (Indonesia)
Beccè: *sunting* (Indonesia)

Dh

Dhurrun: nyombhâng; *kontribusi* (Indonesia)

Gh

Ghâmbhâr sarghebbhân: *tangkapan layar* (Indonesia);
screenshot (Inggris)
Ghungghung: jumbla; *total* (Indonesia)

K

Ka'alok: kalonta; ka'oncara; ka'ontara
Kabijâghân: *kebijakan* (Indonesia)
Kasdu: *bias* (Indonesia)
Kojjhâ: *hubung* (Indonesia)

L

Lan-ellan: lalakon sè ta' èbâjâr; *sukarela* (Indonesia)
Legghâbây: *tugas* (Indonesia)

M

Mèttra: orèng laèn (salaènna abâ' dhibi') sè anđi' lalakon
ka abâ' dhibi', bân abâ' dhibi' anđi' lalakon kèya ka
orèng laèn; kanca lalakon; *mitra* (Indonesia)

P

Paddhu pangabâsân: *sudut pandang* (Indonesia)
Panata rontot: *penata letak* (Indonesia)
Pangangghuy: orèng sè ngangghuy; *pengguna*
(Indonesia)
Pangeccapan: *penerbit* (Indonesia)
Pertal: *terjemah* (Indonesia)
Petthèk: *ngala'; kutip* (Indonesia)

R

Robâ aksara: *fon; fonta* (Indonesia); *font* (Inggris)

S

Sanno': *selaras* (Indonesia)

T

Tangas raè: *antarmuka* (Indonesia); *interface* (Inggris)

Pamaoran පාඨකයාගේ පිටුව



KOMUNITAS WIKIMEDIA BANDUNG
bandung@wikimedia.or.id



KOMUNITAS WIKIMEDIA BATAK TOBA
bataktoba@wikimedia.or.id



KOMUNITAS WIKIMEDIA GORONTALO
gorontalo@wikimedia.or.id



KOMUNITAS WIKIMEDIA MADURA
madura@wikimedia.or.id



KOMUNITAS WIKIMEDIA MEDAN
medan@wikimedia.or.id



KOMUNITAS WIKIMEDIA PADANG
padang@wikimedia.or.id

KOMUNITAS WIKIMEDIA BANJAR
banjar@wikimedia.or.id



KOMUNITAS WIKIMEDIA DENPASAR
denpasar@wikimedia.or.id



KOMUNITAS WIKIMEDIA JAKARTA
jakarta@wikimedia.or.id



KOMUNITAS WIKIMEDIA MANDAILING
mandailing@wikimedia.or.id



KOMUNITAS WIKIMEDIA NIAS
nias@wikimedia.or.id



KOMUNITAS WIKISOURCE INDONESIA
idwikisource@wikimedia.or.id



KOMUNITAS WIKIMEDIA YOGYAKARTA
yogyakarta@wikimedia.or.id



Yèk-proyèk Wikimedia è Indonesia



WIKIPEDIA

Indonesia

id.wikipedia.org

Acèh

ace.wikipedia.org

Bhâli

ban.wikipedia.org

Banjar

bjn.wikipedia.org

Banyumasan

map-bms.wikipedia.org

Bugis

bug.wikipedia.org

Gorontalo

gor.wikipedia.org

Jhâbâ

jv.wikipedia.org

Madhurâ

mad.wikipedia.org

Malaju

ms.wikipedia.org

Minangkabau

min.wikipedia.org

Nias

nia.wikipedia.org

Sonḡhâ

su.wikipedia.org

Tetun

tet.wikipedia.org



WIKTIONARY

Indonesia

id.wiktionary.org

Jhâbâ

jv.wiktionary.org

Malaju

ms.wiktionary.org

Minangkabau

min.wiktionary.org

Nias

nia.wiktionary.org

Sonḡhâ

su.wiktionary.org



WIKIBOOKS

Indonesia

id.wikibooks.org

Malaju

ms.wikibooks.org



WIKISOURCE

Indonesia

id.wikisource.org

Bhâli

ban.wikisource.org

Jhâbâ

jv.wikisource.org



WIKIQUOTE

Indonesia

id.wikiquote.org

Sonḡhâ

su.wikiquote.org

Proyek Multibahasa



WIKIMEDIA COMMONS

commons.wikimedia.org



WIKIDATA

wikidata.org



WIKISPECIES

wikispecies.org



WIKIMEDIA INCUBATOR

incubator.wikimedia.org



Simak cerita di balik layar
bagaimana komunitas Wikipedia bekerja
bit.ly/BebaskanPengetahuan



wikimediaid	🐦	Wikimedia Indonesia	📺
wikimediaid	📷	Wikimedia Indonesia	🌐
wikimediaid	✉️	info@wikimedia.or.id	✉️
Wikimedia Indonesia	📘	wikimedia.or.id	🌐

JHĀ' METTHĒK ḌĀRI WIKIPÈḌIA! Pandhuman kènḌā' ka'angghuy sampèyan sè addhreng Ḍā' ka lombhung pangataowan sè palèng rajâ è dhunnya maya aropa' aghi sèttong pandhuman è tojjhuwaghi Ḍā' ka para pamaca sè terro lebbi bânnya' WikipèḌia.

Panolès ngarep pandhuman arèya bisa ajâwâb pètanya-pètanya sè segghut èyatorraghi, akadhi ènga' apa sabhenderrâ WikipèḌia rowa, bâberta apa bhâi sè tasaḏiyâ è WikipèḌia, sarta Ḍā' remma cara nyarè bân amanpa' attaghi bâberta è WikipèḌia sè teppa'.

Klabân ngartè WikipèḌia salem-Ḍâlemma, panolès ngarep bisa ngajhâk pamaca ka'angghuy noro' mamardhika' aghi pangataowan abhâreng WikipèḌia.

Pandhuman vèrsi Ḍâlem jhâringan (*online*) arèya kennèng sampèyan bâca è:
bit.ly/wmid-jhametthekwikipedia



TCC Batavia Tower One, Lt. 6
Jalan K.H. Mas Mansyur No. 126
Karet Tengsin, Tanah Abang
Jakarta Pusat, DKI Jakarta 10220
wikimedia.or.id | info@wikimedia.or.id

ISBN 978-623-88155-2-4 (PDF)

